



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-161-4/22**
Datum: **22.07.2022. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu JGOU Bosanska Krupa za izdavanje prethodne vodne saglasnosti za izgradnju drvenog pješačkog mosta preko rijeke Une, na osnovu člana 121. stav 3. Zakona o vodama („Službene novine Federacije BiH“, broj 70/06) i člana 67. stav 2. Zakona o upravnom postupku („Službene novine Federacije BiH“, broj 2/98 i 48/99), donosi

ZAKLJUČAK

Odbacuje se zahtjev JGOU Bosanska Krupa, za izdavanje prethodne vodne saglasnosti za izgradnju drvenog pješačkog mosta preko rijeke Une, predviđenog za gradnju na lokaciji Malih ada, područje Grada Bosanska Krupa, zbog nepotpunosti dokumentacije i smatra se kao da nije niti podnešen.

O b r a z l o ž e n j e

JGOU Bosanska Krupa obratio se ovoj Agenciji dana 17.03.2022. godine, zahtjevom za izdavanje prethodne vodne saglasnosti za izgradnju drvenog pješačkog mosta preko rijeke Une, predviđenog za gradnju na lokaciji Malih ada, područje Grada Bosanska Krupa.

Uz zahtjev za izdavanje prethodne vodne saglasnosti, zaprimljen dana 04.04.2022. godine, dostavljena je i pregledana slijedeća dokumentacija:

- Nalog za plaćanje upravne pristojbe,
- Ovjerena kopija Statuta Općine Bosanska Krupa (prečišćen tekst 1), usvojen od strane Općinskog vijeća Bosanska Krupa pod brojem 01/V-02-7150-12a/17, dana 29.09.2017. godine, u Bosanskoj Krupi,
- Ovjerena kopija Obavještenja o razvrstavanju pravnog lica prema klasifikaciji djelatnosti; izdano od strane Službe za statistiku za područje Unsko-sanskog kantona Federalnog zavoda za statistiku Sarajevo pod brojem: 07-32.5-5-282/22, dana 11.01.2022. godine,
- Ovjerena kopija Uvjerenja o registraciji poreznog obveznika; izdano od strane Federalnog ministarstva finansija – financija, Porezne uprave Federacije BiH, Kantonalnog poreznog ureda Bihać, dana 17.03.2022. godine,
- Ovjerena kopija Kopije katastarskog plana, Katastarska općina: BOSANSKA KRUPA, Broj plana: 5K15-21-12; izdana od strane gradskog organa uprave Bosanska Krupa, dana 29.03.2022. godine,
- Mišljenje o usklađenosti planiranih aktivnosti sa dokumentaima prostornog uređenja; dato od strane Komisije za određivanje minimuma urbanističko-tehničkih uslova za izgradnju objekata u postupku izdavanja urbanističke saglasnosti, odnosno Službe za prostorno uređenje, imovinsko-pravne i geodetske poslove Općine Bosanska Krupa pod brojem UP-1-04-2-23-1024/16, dana 10.07.2017. godine,
 - Izvod iz prostorno planske dokumentacije, Prostorni plan Općine Bosanska Krupa 2007-2027 („Službeni glasnik općine Bosanska Krupa“, broj: 9/09) – „Sintezni prikaz korištenja prostora u planskom periodu“; izdan od strane Službe za prostorno uređenje, imovinsko-pravne i geodetske poslove Općine Bosanska Krupa pod brojem: UP-1-04-23-2-1024/16, dana 10.07.2017. godine
- Studija za prethodnu vodnu suglasnost (PVS) za most br. 2, preko rijeke Une, za povezivanje Velike ade sa Malim adama u općini Bosanska Krupa, urađena od strane HIGRACON d.o.o. Sarajevo,

septembra 2015. godine, u Sarajevu (vraćena na doradu uz obavijest o dopuni podneska zahtjeva, broj: UP-1/21-1-40-161-2/22, dana 29.04.2022. godine.

Nakon uvida u dostavljenu dokumentaciju ova Agencija je obavijestila podnosioca zahtjeva službenim putem, dana 29.04.2022. godine, da je predmetni zahtjev nepotpun te da podnosilac zahtjeva treba da u roku od 30 (trideset) dana, od dana prijema obavijesti, dopuni Studiju odgovarajućim proračunom i nacrtima vodeći računa da donja ivica mostovne konstrukcije ima nadvišenje od min. 0,8 m iznad nivoa dopiranja VV 1/100, odnosno da ispravi/dopuni slijedeće nedostatke u istoj:

- Pregledom dokumentacije priložene uz zahtjev (Studija), a koja se odnosi na uticaj planiranih mostova na režim voda i položaj mosta u odnosu na kotu dopiranja velikih voda ranga pojave 1/100 konstatovano je da nedostaje proračun uspora mosta (otvor mosta je prepreka koja sužavanjem proticajnog profila direktno utiče na povećanje nivoa vode u koritu) i ista se dobiva odgovarajućim hidrauličkim proračunom koji će uzeti u obzir smanjenje proticajnog profila na mjestu mostovnog otvora (kontrakciju).
- Također nisu dati osnovni podaci – tehnički nacrti o predviđenom mostu (situacioni prikaz lokacije na katastarskoj podlozi, osnove, presjeci, i izgledi sa stvarnim visinskim kotama terena i visinskom kotom dna konstrukcije mosta te visinskom kotom velikih voda rijeke Une ranga pojave 1/100 godina, linijom vodnog dobra odnosno linijom plavljenja (za inovirane podatke o liniji plavljenja, odnosno velikim vodama ranga pojave 1/100 godina, podnosilac zahtjeva se može pismeno obratiti Agenciji).
- Pregledna situacija izrađena na katastarskoj podlozi da bi se ustanovile katastarske čestice na kojima je predviđena gradnja predmetnog mosta,
- Zemljišnoknjižne izvratke za predmetne parcele, izdane od strane nadležnog Zemljišnoknjižnog ureda,

Podnosilac zahtjeva je upozoren da ukoliko u predviđenom roku ne izvrši traženu dopunu podneska, zahtjev će mu biti odbačen zaključkom protiv kojeg je dopuštena posebna žalba, a sve u skladu sa članom 121. stav (3) Zakona o vodama.

Kako podnosilac zahtjeva u datom roku nije izvršio dopunu podneska zahtjeva, istom je pismenim putem, dana 13.06.2022. godine, proslijeđena urgencija za dopunu podneska zahtjeva po prethodno proslijeđenoj obavijesti, kojom mu se produžava rok za dopunu podneska zahtjeva za još 30 dana, od dana prijema iste.

Obzirom da podnosilac zahtjeva nije dopunio zahtjev u predviđenom roku, kao ni do dana donošenja ovog Zaključka, to je u skladu sa članom 121. stav 3. Zakona o vodama i člana 67. stav 2. Zakona o upravnom postupku riješeno kao u dispozitivu ovog zaključka.

Uputa o pravnom lijeku:

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva, u roku od 15 (petnaest) dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- JGOU Bosanska Krupa, Terzića bb, 77 240 Bosanska Krupa
- AVP Sava – ISV – Vodna knjiga
- Sektor 40 - arhiva
- oglasna ploča AVP Sava